

# საქართველოს სოფლის მეურნეობის სამინისტრო



საქართველოს სოფლის მეურნეობის სამინისტროსათვის ბეჭდვითი  
მომსახურების შესყიდვის მიზნით განსახორციელებელი გამარტივებული  
ელექტრონული ტენდერის

## სატენდერო დოკუმენტაცია

(დაფინანსების წყარო: 2017 წლის ბიუჯეტი)

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12<sup>1</sup> მუხლის და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების საფუძველზე.

ქ. თბილისი  
2016 წელი

## 1. ინსტრუქცია ტენდერში მონაწილეთათვის

1.1. სახელმწიფო შესყიდვა ტარდება სახელმწიფო შესყიდვების ერთიანი ელექტრონულ სისტემაში (შემდგომში - სისტემა).

1.2. სისტემაში შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონის და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანებით შესაბამისად.

1.3. ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.4. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.5. სისტემაში ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

1.6. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულებების დადების მომენტისათვის დაზუსტდება სატენდერო წინადადების შესაბამისად.

1.7. პრეტენდენტს არა აქვს უფლება წარმოადგინოს ალტერნატიული წინადადება.

1.8. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, მისამართზე: თბილისი, მარშალ გელოვანის გამზირი 6. საკონტაქტო პირი: ეთერ ყიზილაშვილი  
ტელ: +99532 378012

## 2. შესყიდვის ობიექტის ტექნიკური დავალება:

2.1 გასაწევი მომსახურება გულისხმობს სამინისტროსათვის ბლანკების, სავიზიტო ბარათებისა და სერთიფიკატების ბეჭდვის მომსახურებას, შემდეგი ხარისხობრივი პარამეტრებისა და რაოდენობის მიხედვით:

| N | შესყიდვის ობიექტის დასახელება                                                                   | ტექნიკური მახასიათებლები                                                                                                                                                                                                                   | განზ. | სავარაუდო რაოდენობა |
|---|-------------------------------------------------------------------------------------------------|--------------------------------------------------------------------------------------------------------------------------------------------------------------------------------------------------------------------------------------------|-------|---------------------|
| 1 | <b>სატიტულო ბლანკი</b><br>სამინისტროს წერილის გერბიანი<br>ქართულ-ინგლისურენოვანი;               | ფორმატი: A4; ქაღალდი: 100<br>გრ.-ანი პრიალა ოფსეტი, ბეჭდვა<br>ობსეტური 4-ფერში (პანტონის<br>ფერები), საქართველოს<br>სახელმწიფო გერბი<br>(ემბოსირებული) წარწერით.<br>ბლანკის უკანა მხარეს<br>ნუმერაცია და წყლის დამცავი<br>ნიშანი.          | ცალი  | 700                 |
| 2 | <b>სატიტულო ბლანკი</b><br>წერილის ფერადი გერბიანი (მცირე<br>გერბით) ქართულ-<br>ინგლისურენოვანი; | ფორმატი: A4; ქაღალდი: 100<br>გრ.-ანი პრიალა ოფსეტი,<br>ბეჭდვა ობსეტური 4-ფერში<br>(პანტონის ფერები),<br>საქართველოს მცირე<br>სახელმწიფო გერბი<br>(ემბოსირებული) წარწერით.<br>ბლანკის უკანა მხარეს<br>ნუმერაცია და წყლის დამცავი<br>ნიშანი. | ცალი  | 3000                |
| 3 | <b>სატიტულო ბლანკი</b><br>მინისტრის ბრძანების                                                   | ფორმატი: A4; ქაღალდი: 100<br>გრ.-ანი პრიალა ოფსეტი, ბეჭდვა<br>ობსეტური 4-ფერში (პანტონის<br>ფერები), საქართველოს<br>სახელმწიფო გერბი<br>(ემბოსირებული) წარწერით.<br>ბლანკის უკანა მხარეს<br>ნუმერაცია და წყლის დამცავი<br>ნიშანი.          | ცალი  | 500                 |
| 4 | <b>სატიტულო ბლანკი</b><br>მინისტრის წერილის ქართულ-<br>ინგლისურენოვანი                          | ფორმატი: A4; ქაღალდი: 100<br>გრ.-ანი ტილო, მოოქროვილი<br>(ცხელი ბეჭდვა) საქართველოს<br>სახელმწიფო გერბით<br>(ემბოსირებული) და წარწერით.<br>ბლანკის უკანა მხარეს<br>ნუმერაცია და წყლის დამცავი<br>ნიშანი.                                   | ცალი  | 500                 |
| 5 | <b>სავიზიტე ბარათი I</b>                                                                        | ზომა: 9X5სმ.; ქაღალდი: 280გრ.-<br>ანი ტილო, მოოქროვილი<br>(ცხელი ბეჭდვა) საქართველოს<br>სახელმწიფო გერბით 2-ფერში<br>(ემბოსირებული) და წარწერით<br>ერთ ფერში. (ბარკოდით)                                                                   | ცალი  | 3000                |
| 6 | <b>სავიზიტე ბარათი II</b>                                                                       | ზომა: 9X5სმ.; ქაღალდი: 280გრ.-<br>ანი ტილო, მოოქროვილი<br>(ცხელი ბეჭდვა) საქართველოს<br>სახელმწიფო გერბით 2-ფერში<br>(ემბოსირებული) და წარწერით<br>ერთ ფერში.                                                                              | ცალი  | 500                 |
| 7 | <b>სავიზიტე ბარათი III</b><br><b>ორმხრივი</b>                                                   | ზომა: 9X5სმ.; ქაღალდი: 280 გრ.-<br>ანი ტილო, საქართველოს                                                                                                                                                                                   | ცალი  | 700                 |

|   |                              |                                                                                                        |      |     |
|---|------------------------------|--------------------------------------------------------------------------------------------------------|------|-----|
|   |                              | სახელმწიფო გერბით 4-ფერში და წარწერით, ორმხრივი.                                                       |      |     |
| 8 | სავიზიტე ბარათი IV ცალმხრივი | ზომა: 9X5სმ.; ქაღალდი: 280 გრ.-ანი ტილო, საქართველოს სახელმწიფო გერბით 4-ფერში და წარწერით, ცალმხრივი. | ცალი | 700 |
| 9 | სერთიფიკატი                  | ფორმატი: A4. ქაღალდი 270 გრ ანი ბეჭი ჟატი ბეჭდვა: ოფსეტური ოთხ ფერში                                   | ცალი | 60  |

**შენიშვნა: \*** ცხრილში მოყვანილი რაოდენობები არის მაქსიმალური და წლის განმავლობაში განისაზღვრება მოთხოვნის შესაბამისად. ამასთან, მითითებული საქონლის რაოდენობა არის სავარაუდო და შემსყიდველის მოთხოვნის შემთხვევაში შესაძლებელი უნდა იყოს გაუზარჯავი რაოდენობების გადატანა სხვა პოზიციაზე ხელშეკრულების საერთო სავარაუდო ღირებულების გაზრდის გარეშე.

## 2.2 მომსახურების გაწევის პირობები და ვადა:

- მომსახურება გაწეული უნდა იქნეს ეტაპობრივად, 2017 წლის 3 იანვრიდან 2017 წლის 31 დეკემბრის ჩათვლით პერიოდში, შემსყიდველის მოთხოვნიდან არაუგვიანეს 5 სამუშაო დღის ვადაში.
- დაკვეთა განხორციელდება ელექტრონული ფოსტის საშუალებით.
- ნაბეჭდი პროდუქცია მიწოდებული უნდა იქნას შემდეგ მისამართზე: თბილისი, მარშალ გელოვანის გამზირი N6.

## 3. მიღება-ჩაბარების გაფორმების წესი:

გაწეული მომსახურების მიღება-ჩაბარების აქტი ფორმდება წერილობითი ფორმით, ორივე მხარის უფლებამოსილი წარმომადგენლების ხელმოწერით.

## 4. ანგარიშსწორების პირობები:

- 4.1. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.
- 4.2. ანგარიშსწორება მოხდება უნაღდო ანგარიშსწორებით ლარში.
- 4.3. ანგარიშსწორება მოხდება ეტაპობრივად მიღება-ჩაბარების აქტისა და საგადასახადო ანგარიშ-ფაქტურის (კანონმდებლობით დადგენილ შემთხვევაში) წარმოდგენის შემდეგ.
- 4.4. საავანსო ანგარიშსწორება არ გამოიყენება.

## 5. ფასწარმოქმნის ადეკვატურობის დასაბუთების ვალდებულება:

იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტი ვალდებულია წარმოადგინოს ფასწარმოქმნის ადეკვატურობის დასაბუთება, რისთვისაც შემსყიდველი განუსაზღვრავს ვადას არაუგვიანეს 3 სამუშაო დღისა.

ფასწარმოქმნის ადეკვატურობა შესაძლებელია დასაბუთდეს შესყიდვის ობიექტის მიწოდებასთან დაკავშირებით მიმწოდებელთან გაფორმებული ხელშეკრულებით ან/და ექსპერტიზის/აუდიტის დასკვნით, რომელიც ადასტურებს

პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

**6. პრეტენდენტის მიერ სისტემაში ასატვირთი მონაცემები:**

5.1. რეკვიზიტები დანართი №1-ის შესაბამისად;

5.2. გასაწევი მომსახურების ფასების ცხრილი დანართი №2-ის შესაბამისად;

ხელშეკრულება სახელმწიფო შესყიდვის შესახებ #370101/  
(წინამდებარე ხელშეკრულება დეტალურად დაზუსტდება მიმწოდებლის  
სატენდერო წინადადების შესაბამისად)

თბილისი

„\_\_\_“ \_\_\_\_\_ 2016 წ.

**1. ხელშეკრულებაში გამოყენებულ ტერმინებს აქვთ შემდეგი მნიშვნელობა:**

- 1.1. „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) – „სახელმწიფო შესყიდვების შესახებ“ საქართველოს კანონისა და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანებით დამტკიცებული წესის საფუძველზე, შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.3. „მიმწოდებელი“ ნიშნავს იურიდიულ ან ფიზიკურ პირს, რომელმაც შემსყიდველთან გააფორმა ხელშეკრულება სახელმწიფო შესყიდვის შესახებ;
- 1.4. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს, თუ ხელშეკრულებით სხვა პირობა არ არის გათვალისწინებული.

**2. ხელშეკრულების დამდები მხარეები**

წინამდებარე ხელშეკრულება დადებულია:

ერთი მხრივ საქართველოს სოფლის მეურნეობის სამინისტროსა (შემდგომში “შემსყიდველი”)

მდებარე ქ. თბილისი, მარშალ გელოვანის გამზ #6

და მეორეს მხრივ \_\_\_\_\_ (შემდგომში “მიმწოდებელი”) შორის.

მდებარე \_\_\_\_\_

**3. ხელშეკრულების საგანი**

ხელშეკრულების საგანს წარმოადგენს საქართველოს სოფლის მეურნეობის სამინისტროს მიერ ბეჭდვითი მომსახურების (CPV კოდი: 79823000) შესყიდვა გამარტივებული ელექტრონული ტენდერის საშუალებით (სატენდერო განცხადების #).

**4. ხელშეკრულების ღირებულება**

- 4.1. გასაწევი მომსახურების საერთო სავარაუდო ღირებულება შეადგენს \_\_\_\_\_ ლარს საქართველოს კანონმდებლობით დადგენილი შესაბამისი გადასახადების გათვალისწინებით.
- 4.2. მოსაწოდებელი საქონლის ერთეულის ფასები მოცემულია ფასების ცხრილში, რომელიც ხელშეკრულებას თან ერთვის და მის განუყოფელ ნაწილს წარმოადგენს.
- 4.3. ხელშეკრულების საბოლოო ღირებულება განისაზღვრება ფაქტიურად გაწეულ მომსახურებაზე შედგენილი დოკუმენტაციის შესაბამისად, მაგრამ არაუმეტეს ხელშეკრულების საერთო ღირებულებისა.

## **5. მხარეთა უფლება-მოვალეობანი**

5.1. მიმწოდებელი ვალდებულია საქართველოს სოფლის მეურნეობის სამინისტროს გაუწიოს მე-3 მუხლში მითითებული მომსახურება ეტაპობრივად, 2017 წლის 3 იანვრიდან 2017 წლის 31 დეკემბრის ჩათვლით პერიოდში, დაკვეთიდან 5 სამუშაო დღის ვადაში. იგი პასუხისმგებელია გაწეული მომსახურების ხარისხსა და დროულობაზე.

5.2. შემსყიდველი ორგანიზაცია ვალდებულია მიმწოდებლის მიერ ხელშეკრულებით ნაკისრი ვალდებულებების სრულად და ჯეროვნად შესრულების შემთხვევაში აუნაზღაუროს მას გაწეული მომსახურების ღირებულება.

5.3. შემსყიდველი არ აგებს პასუხს მიმწოდებლის მიერ მესამე პირებისათვის მიყენებულ ზიანზე ან ზარალზე.

## **6. გაწეული მომსახურების მიღება-ჩაბარების წესი**

მომსახურება გაწეულად ჩაითვლება მხარეთა უფლებამოსილი პირების მიერ შესაბამისი “მიღება-ჩაბარების” აქტის გაფორმების შემდეგ.

## **7. ხელშეკრულების შესრულების კონტროლი**

მიმწოდებლის მიერ სახელმწიფო შესყიდვების შესახებ ხელშეკრულებისა და მასში შემავალი დოკუმენტების პირობების შესრულებაზე კონტროლს და მიღება-ჩაბარების აქტებზე ხელმოწერას განახორციელებს შესაბამისი ინსპექტირების ჯგუფი -----.

## **8. გაწეული მომსახურების ხარისხი და გარანტია**

მიმწოდებელი იძლევა გარანტიას, რომ მის მიერ გაწეული მომსახურება არ გამოავლენს ხარვეზებს და იქნება ხარისხიანი, წინააღმდეგ შემთხვევაში იგი ვალდებულია საკუთარი სახსრებით თავად უზრუნველყოს გამოვლენილი ხარვეზის გამოსწორება;

## **9. ანგარიშსწორება**

9.1. ანგარიშსწორება მიმწოდებელთან განხორციელდება ლარებში.

9.2. ანგარიშსწორება განხორციელდება ეტაპობრივად, გაწეულ მომსახურების ფარგლებში შესაბამისი “მიღება-ჩაბარების” აქტის გაფორმების შემდგომ 10 კალენდარული დღის განმავლობაში.

9.3. ანგარიშსწორების ფორმა იქნება უნაღდო. გადარიცხვა მოხდება მიმწოდებლის საბანკო ანგარიშზე.

## **10. ფასები**

10.1. წინამდებარე ხელშეკრულების მე-4 მუხლში დაფიქსირებული ფასი წარმოადგენს ხელშეკრულების ღირებულებით პარამეტრს, რომლის გაზრდა დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

10.2. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

## **11. ხელშეკრულებაში ცვლილებების შეტანა**

11.1. ხელშეკრულების დამდებ არც ერთი მხარეს არა აქვს უფლება ცალმხრივად შეცვალოს ხელშეკრულების პირობები.

11.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

11.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

## **12. უფლებების გადაცემა**

მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

## **13. ფორს-მაჟორი**

13.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

13.2. ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

13.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოწახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

## **14. მხარეთა პასუხისმგებლობა ხელშეკრულების პირობების დარღვევისათვის**

14.1. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შემთხვევაში მხარეები პასუხს აგებენ საქართველოს მოქმედი კანონმდებლობის შესაბამისად.

14.2. ხელშეკრულების პირობების არაჯეროვანი ან/და ვადაგადაცილებით შესრულების შემთხვევაში მხარეს დაეკისრება პირგასამტეხლოს გადახდა ყოველ ვადაგადაცილებულ დღეზე შესასრულებელი ვალდებულების შესაბამისი ღირებულების 0.02%-ის ოდენობით;

14.3 ხელშეკრულების პირობების შეუსრულებლობისათვის მიმწოდებელს დაეკისრება პირგასამტეხლო ხელშეკრულების საერთო ღირებულების 10% ოდენობით;

14.4 ხელშეკრულების ნაწილობრივ შესრულების შემთხვევაში, მიმწოდებელს დაეკისრება პირგასამტეხლო შესასრულებელი (დარჩენილი) ვალდებულების შესაბამისი ღირებულების 10%-ის ოდენობით.

14.5. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

## **15. ხელშეკრულების შეწყვეტა**

15.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

15.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე

მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მეორე მხარეს გადაწყვეტილების ძალაში შესვლამდე მინიმუმ 5 დღით ადრე. 15.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

15.4 ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების

შესრულებლობისათვის გათვალისწინებული პასუხისმგებლობისაგან.

15.5 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) იმ შემთხვევაში, თუ ხელშეკრულების პირობების არაჯეროვანი შესრულებისათვის, მათ შორის ხელშეკრულებით ნაკისრი ვალდებულებების ვადაგადაცილებით შესრულების შემთხვევაში დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5%-ს.

გ) საქართველოს კანონმდებლობით გათვალისწინებულ სხვა შემთხვევებში.

## 15. დავების გადაწყვეტის წესი

15.6. ხელშეკრულების დამდეგი მხარეები თანხმდებიან მასზედ, რომ მოლაპარაკებების მეშვეობით შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

15.7. თუ შემსყიდველი და მიმწოდებელი ვერ შესძლებენ სადაო საკითხების შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

## 16. სხვა პირობები

16.6. წინამდებარე ხელშეკრულება ძალაშია ხელმოწერის დღიდან და მოქმედებს 2018 წლის 1 თებერვლამდე.

16.7. ხელშეკრულება შედგენილია ქართულ ენაზე ორ ეგზემპლარად და ორივეს აქვს თანაბარი იურიდიული ძალა.

შემსყიდველი:

საქართველოს სოფლის მეურნეობის  
სამინისტრო

მიმწოდებელი:

---

---

**რეკვიზიტები:**

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება:

ბანკის კოდი:

ანგარიშსწორების ანგარიში:

ფასების ცხრილი

პრეტენდენტის დასახელება \_\_\_\_\_

| N | შესყიდვის ობიექტის დასახელება                                                  | ტექნიკური მახასიათებლები                                                                                                                                                                                        | განზ. | სავარაუდო რაოდენობა | ერთეულის ფასი | საერთო ფასი |
|---|--------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------|-------|---------------------|---------------|-------------|
| 1 | სატიტულო ბლანკი სამინისტროს წერილის გერბიანი ქართულ-ინგლისურენოვანი;           | ფორმატი: A4; ქაღალდი: 100 გრ.-ანი პრიალა ოფსეტი, ბეჭდვა ობსეტური 4-ფერში (პანტონის ფერები), საქართველოს სახელმწიფო გერბი (ემბოსირებული) წარწერით. ბლანკის უკანა მხარეს ნუმერაცია და წყლის დამცავი ნიშანი.       | ცალი  | 700                 |               |             |
| 2 | სატიტულო ბლანკი წერილის ფერადი გერბიანი (მცირე გერბით) ქართულ-ინგლისურენოვანი; | ფორმატი: A4; ქაღალდი: 100 გრ.-ანი პრიალა ოფსეტი, ბეჭდვა ობსეტური 4-ფერში (პანტონის ფერები), საქართველოს მცირე სახელმწიფო გერბი (ემბოსირებული) წარწერით. ბლანკის უკანა მხარეს ნუმერაცია და წყლის დამცავი ნიშანი. | ცალი  | 3000                |               |             |
| 3 | სატიტულო ბლანკი მინისტრის ბრძანების                                            | ფორმატი: A4; ქაღალდი: 100 გრ.-ანი პრიალა ოფსეტი, ბეჭდვა ობსეტური 4-ფერში (პანტონის ფერები), საქართველოს სახელმწიფო გერბი (ემბოსირებული) წარწერით. ბლანკის უკანა მხარეს ნუმერაცია და წყლის დამცავი ნიშანი.       | ცალი  | 500                 |               |             |
| 4 | სატიტულო ბლანკი მინისტრის წერილის ქართულ-ინგლისურენოვანი                       | ფორმატი: A4; ქაღალდი: 100 გრ.-ანი ტილო, მოოქროვილი (ცხელი ბეჭდვა) საქართველოს სახელმწიფო გერბით (ემბოსირებული) და წარწერით. ბლანკის უკანა მხარეს ნუმერაცია და წყლის დამცავი ნიშანი.                             | ცალი  | 500                 |               |             |

|   |                                 |                                                                                                                                                          |      |      |  |  |
|---|---------------------------------|----------------------------------------------------------------------------------------------------------------------------------------------------------|------|------|--|--|
| 5 | სავიზიტე ბარათი I               | ზომა: 9X5სმ.; ქაღალდი: 280გრ.-ანი ტილო, მოოქროვილი (ცხელი ბეჭდვა) საქართველოს სახელმწიფო გერბით 2-ფერში (ემბოსირებული) და წარწერით ერთ ფერში. (ბარკოდით) | ცალი | 3000 |  |  |
| 6 | სავიზიტე ბარათი II              | ზომა: 9X5სმ.; ქაღალდი: 280გრ.-ანი ტილო, მოოქროვილი (ცხელი ბეჭდვა) საქართველოს სახელმწიფო გერბით 2-ფერში (ემბოსირებული) და წარწერით ერთ ფერში.            | ცალი | 500  |  |  |
| 7 | სავიზიტე ბარათი III<br>ორმხრივი | ზომა: 9X5სმ.; ქაღალდი: 280 გრ.-ანი ტილო, საქართველოს სახელმწიფო გერბით 4-ფერში და წარწერით, ორმხრივი.                                                    | ცალი | 700  |  |  |
| 8 | სავიზიტე ბარათი IV<br>ცალმხრივი | ზომა: 9X5სმ.; ქაღალდი: 280 გრ.-ანი ტილო, საქართველოს სახელმწიფო გერბით 4-ფერში და წარწერით, ცალმხრივი.                                                   | ცალი | 700  |  |  |
| 9 | სერთიფიკატი                     | ფორმატი: A4.<br>ქაღალდი 270 გრ ანი ბეჭი<br>ჟატი<br>ბეჭდვა: ოფსეტური<br>ოთხ ფერში                                                                         | ცალი | 60   |  |  |

შენიშვნა: \* ცხრილში მოყვანილი რაოდენობები არის მაქსიმალური და წლის განმავლობაში განისაზღვრება მოთხოვნის შესაბამისად. ამასთან, მითითებული საქონლის რაოდენობა არის სავარაუდო და შემსყიდველის მოთხოვნის შემთხვევაში შესაძლებელი უნდა იყოს გაუხარჯავი რაოდენობების გადატანა სხვა პოზიციაზე ხელშეკრულების საერთო სავარაუდო ღირებულების გაზრდის გარეშე.

პრეტენდენტის წარმომადგენელი \_\_\_\_\_ ბ.ა  
(თანამდებობა, სახელი გვარი, ხელმოწერა)